

UNIMAS lancar laman web versi baharu



TERTARIK ... Prof Datuk Dr Khairuddin Ab Hamid dan Dr Peter Songan melihat laman web versi baharu UNIMAS sambil disaksikan Ketua Pustakawan, Margaret Simeng (tengah) selepas pelancaran Laman Web Versi Baharu UNIMAS di CTF1, UNIMAS, Kota Samarahan, semalam.

KOTA SAMARAHAN,
Khamis Warga kampus
Universiti Malaysia Sar-

awak (UNIMAS) digesa memantapkan jalinan kerjasama dalam usaha

menambahbaikkan kedudukan universiti itu dalam penilaian Webometrics.

Dekan Fakulti Sains Komputer dan Teknologi Maklumat UNIMAS, Prof Dr Narayanan Kulathura Maiyer berkata, pelbagai perubahan dilakukan pada laman web UNIMAS iaitu yang menggunakan url www.unimas.my.

UNIMAS merupakan antara institusi pengajian tinggi awam (IPTA) yang terawal dalam mewujudkan laman web iaitu pada 1994, katanya.

Beliau berkata demikian semasa Majlis Pelancaran Laman Web Versi Baharu UNIMAS di CTF1, UNIMAS Kota Samarahan yang dirasmikan oleh Naib Canselor UNIMAS, Prof. Datuk Dr. Khairuddin Ab Hamid. Katanya, UNIMAS

masih menggunakan url www.unimas.my iaitu url tanpa menggunakan edu.my seperti mana IPTA yang lain.

Selaras dengan perkembangan teknologi, kita yakin dengan adanya ciri ciri baharu yang diperkenalkan serta komitmen tinggi dari pada warga kampus, UNIMAS akan berjaya mencapai sasarannya, tegasnya.

Tambahnya, UNIMAS turut mensasarkan mendapatkan pengiktirafan bintang daripada Perbadanan Pembangunan Multimedia (MDeC).

IPTA lain yang menggunakan url tanpa edu.my ialah Universiti Sains Malaysia (USM), Universiti Teknologi Malaysia (UTM) dan Universiti Kebangsaan Malaysia (UKM), ujarnya.

*Urusan Satawak
3, Ogos 2012*